



## **TOSHKENT DAVLAT YURIDIK UNIVERSITETI REKTORINING B U Y R U G ' I**

19.05.2023

308-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Xususan, Jinoiy odil sudlov fakulteti 2-kurs talabasi Abdrimov Bekzod Maxsudjon o'g'li garchi universitet talabalar turar joyida istiqomat qilmasada, 2023-yil 22-aprel kuni universitetning 3-sonli talabalar turar joyiga borib, mazkur yotoqxonaning 426-xonasida talaba Ro'zmetov Hikmat Qurvanazarovich bilan ushbu xonada boshqa talabalarning tinchlik va osoyishtaligiga xalaqit bergan holda telefon orqali tungi soat 02-00 larga qadar PUBG o'yinini o'ynashgan. Shundan so'ng talabalar B.Abdrimov va H.Ro'zmetovlar o'zlarining harakatlarini davom ettirib, 2023-yil 23-aprel sanasida ham mazkur xonada PUBG o'yinini o'ynashayotgan vaqtda ushbu xonada istiqomat qiluvchi 2-kurs talaba Abdumajidov Shohruh Shuhrat o'g'li tungi soat 02-30 larda ularning baland ovozlardan uyg'onib ketib, xonada turgan stul bilan xona derazasini urib sindirgan.

Talabalar B.Abdrimov va H.Ro'zmetovlar o'zlarining xatti-harakatlari bilan Toshkent davlat yuridik universiteti Odob-axloq kodeksining 16-moddasi birinchi qismi uchinchi xatboshisi (tinchlik va osoyishtalikka qarshi tajovuz qilish), birinchi qismi to'qqizinchi xatboshisi (xodim va talabalarning osoyishtaligiga xalaqit beradigan hatti-harakatlar sodir etish), 26-moddasi o'n birinchi xatboshisi (belgilangan cheklovlar va ta'qiqlarga rioya qilish) Toshkent davlat yuridik universiteti Talabalar turar joyi Ichki tartib qoidalari uchinchi bob yigirma sakkizinchi qismi (TTJda istiqomat qilmaydigan talabalar faqat umumiy foydalanishda bo'lgan xonalar (kutubxona, sport zallari, kompyuter xonalari, besh muhim tashabbus xonalari)dan foydalanishi mumkin. Bunda yashash xonalariga kirishi, TTJ binolarida shovqin ko'tarishiga ruxsat etilmaydi) da ko'rsatib o'tilgan qoidalarini buzishgan.

Talaba Sh.Abdumajidov o'zining xatti-harakatlari bilan Toshkent davlat

yuridik universiteti Odob-axloq kodeksining 16-moddasi birinchi qismi uchinchi xatboshisi (tinchlik va osoyishtalikka qarshi tajovuz qilish), birinchi qismi to'rtinchi xatboshisi (universitetga moddiy va uning ishchanlik obro'siga salbiy ta'sir etuvchi ma'naviy zarar yetkazish), 16-moddasi birinchi qismi to'qqizinchi xatboshisi (xodim va talabalarning osoyishtaligiga xalaqit beradigan hatti-harakatlar sodir etish), 26-moddasi ikkinchi qismi, sakkizinchi xatboshisi (universitet mulkiga ehtiyotkorlik bilan munosabatda bo'lish), Toshkent davlat yuridik universiteti Talabalar turar joyi Ichki tartib qoidalari uchinchi bob yigirma yettinchi qismi (TTJda istiqomat qiluvchi talabalar yashash xonalaridagi jihozlarni but, toza va ozoda saqlashlari shart), beshinchi bob o'ttiz yettinchi qismi o'n to'rtinchi xatboshisi (TTJ mol-mulkidan to'g'ri va unumli foydalanish va zarar yetkazmaslik) da ko'rsatib o'tilgan qoidalarni buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda universitet Odob-axloq komissiyasining 2023-yil 2-maydagi 30-son yig'ilish bayoniga muvofiq,

## **BUYURAMAN:**

1. Toshkent davlat yuridik universiteti Odob-axloq komissiyasining 2023-yil 2-maydagi 30-son yig'ilish bayoni ma'lumot va ijro uchun qabul qilinsin.

2. Universitetning Jinoiy odil sudlov fakulteti 2-kurs talabalari Abdumajidov Shohruh Shuhrat o'g'li, Abdrimov Bekzod Maxsudjon o'g'li va Ro'zmetov Hikmat Qurvanazarovichlarga hayfsan e'lon qilinsin.

4. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

5. Jinoiy odil sudlov fakulteti dekani (D.Kamalova):  
mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

6. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

**Kiritildi:**

YOshlar masalalari va maʼnaviy-  
maʼrifiy ishlar boʻyicha dekan  
oʻrinbosari

M.NODIROV

**Kelishildi:**

Direktor

SH.POʻLOTOV



Katta yuriskonsult

A.TURSUNOV



Yoshlar masalalari va maʼnaviy-  
maʼrifiy ishlar boʻyicha birinchi  
prorektor

A.XASHIMHONOV

